

Beste Sjpaarkaslid van sjpaarkas "Dôw kêns 't zoë gek neet bedingke" van kefee "De bar nag grôtter as 't tuinhüske",

Euver 'n waek zôl 't gebeure: 't Hoëgtepunt van de Limburgse Vastelaovend. Door det kloëte virus zien weej in deepe rouw. Wat ôs wuërt aangedáon, is mêt gên pên te besjriëve. Wat weej vanaaf miërt 2020 hebbe môtte misse, is neet te gluive! Daorôm is ôs advies: vier-us thoes Vastelaovend. Wat 'n kloëte virus allemaol tewaegbringk. Zoë-as geej weit, zien weej neet vur 'n gaat te vange. Weej hebbe inmiddels kôntak gehad mêt 't Kôlleezje van B & W óet Vênlo, gouverneur Bovens, premier Rutte en minister de Jonge. Weej hebbe de insigste evenementevergunning vur jannewarie 2021 gekreege. Haopelik heb geej genôg gehamsterd, want weej kênne uch vertêlle: sjlóet raame en deure, zaoterdig 30 jannewarie ôm 17.11 oor geit 't gebeure. Noëd-"Vastelaoves"-óetzending van sjpaarkas "Dôw kêns 't zoë gek neet bedingke" van kefee "De bar nag grôtter as 't tuinhüske". Inmiddels zit vur de meiste gate 'n môngkkepe en weej hebbe lang gezôch en dôw kêns 't zoë gek neet bedingke ônger 't motto:

***"Hutjemutje drök is 't heej en nag 5 d'r beej, gezaengend
zien weej mêt dit kefee, gên zörg d'n dokter is d'r beej! Dit
jaor verbouwe weej de kefee! Weej bringe uch de sjpaarkas
wies heej!***

Noëdóetzending via de tv!"

De live-óetzending sjtart ôm 17.11 oor en teste kên vanaaf 16.30 oor. De link ôm in te logge, volleg nag, want te vrúug sjteure, is te link.

Wie kômp geej de live-óetzending door?

Zit klaor in uch hoëghedekostuum. Zörg vur genôg beer, bitterballe, wors en kiës.

't Is hendig as geej 'nnen eimer binne hangkbereik heb vur de kleine of groëte baodsjap of as geej neet allein ziet en "Huub" ouch nag langskump. 't

Allerbelangriëkste is:

Heb de biëstig gôjje täöt mêt inháad beej de hangk en zörg det geej genôg dors heb!

Weej haope uch allemaol te zeen op zaoterdig 30 jannewarie ôm 17.11 oor vur 'n aovendvöllend programma van ein oor.

Veur de a-techniese leeje kênt geej de helpdesk insjaakele: hmdith@vastelaovendintegelen.nl

Organiezaasie sjpaarkas "Dôw kêns 't zoë gek neet bedingke" van kefee "De bar nag grôtter as 't tuinhüske"

Ps: Vergaet uch toegangsbewiës vur 't Prinsenbal neet mei te nimme! Taxi is geregeld.

#HMDITH